

JADIKAN TEMPAT KERJA SEBAGAI 'SYURGA' BUKAN TEMPAT BERLAKU KECELAKAAN

DI MANA jua tempat kita bekerja sama ada di pejabat, di ladang, sebagai nelayan atau di tapak pembinaan bangunan atau jalan raya adalah tempat yang paling penting dalam kehidupan kita. Ini kerana di situlah kita mencari nafkah dan menggunakan rezeki yang kita peroleh itu untuk menyara keluarga masing-masing.

Oleh yang demikian kita perlu menjadikan tempat kita mencari nafkah itu sebagai syurga dalam kehidupan harian kita, bukan sebagai neraka yang boleh mengundang pelbagai bencana dan bahaya terhadap diri kita dan rakan-rakan lain di kawasan berkenaan. Untuk menjadikan tempat kita bekerja itu sebagai tempat yang selamat kita amat wajar berwaspada mengikut setiap arahan dan peraturan yang membabitkan keselamatan diri.

Kita tidak seharusnya memandang remeh setiap remeh atau ringan terhadap apa jua

bentuk arahan dan peraturan yang menggalakkan kepada keselamatan semasa bekerja. Sebagai contoh, jika di tempat kerja itu kita perlu menggunakan kasut dan topi keledar keselamatan ia wajar dipatuhi. Begitu juga, jika tempat kita bekerja itu mewajibkan kita menggunakan topeng penutup muka, hidung dan mulut dan pelempung kita juga wajar mematuhi. Jika kita ingkar, kecederaan yang lebih buruk akan boleh terjadi kepada kita jika ada perkara yang tidak diingini berlaku.

Jika di tempat kita bekerja itu tidak memerlukan pekerjaanya menggunakan topi keledar, topeng muka dan kasut keselamatan seperti di pejabat dan dibilik darjah, kita juga tidak terlepas daripada menerima arahan atau peraturan lain yang turut mengajak kita menjaga keselamatan. Antaranya ialah tidak membuat sambungan elektrik di dalam pejabat sesuka hati, sentiasa mematikan suis lampu

Wawasan
Pengarang

Utusan Sarawak

atau alat-alat elektronik di dalam pejabat jika ia tidak digunakan atau sebelum meninggalkan pejabat semasa tamat masa bekerja. Jika kita gagal berbuat demikian, kita juga tidak akan terlepas daripada mendapat bencana jika beberapa perkara buruk berlaku.

Namun bagi mereka yang tidak mempunyai pejabat dan bekerja sendiri seperti

nelayan atau pekebun, mereka juga perlu berwaspada setiap kali melakukan pekerjaan di ladang seperti membunuh racun perosak dan menggerakkan jentera pembajak, jika ada yang cuai, celaka padanya. Begitu juga golongan nelayan, mereka perlu menggunakan jaket keselamatan setiap kali berada di laut. Jika berlaku sebarang yang tidak diingini, jaket keselamatan itu mampu membantu mangsa atau nelayan terbabit terus tenggelam.

Oleh yang demikian, keselamatan atau berlakunya bencana di tempat kerja adalah ditangan pekerja itu sendiri. Waima sekeras manapun amaran dan peraturan yang dikeluarkan oleh pihak majikan terhadap pekerjaanya jika pekerjaanya masih degil, perkara yang malang akan terus berlaku terhadap pekerjaan berkenaan.

Jika kemalangan itu berlaku, yang rugi bukan sahaja majikan syarikat atau jabatan

terbabit, tetapi individu mangsa dan keluarganya juga yang akan menerima kesan daripada kecederaan yang dialami itu. Bagi mengelakan kecederaan tidak akan terus berlaku di tempat kerja, setiap kakitangan dan pegawai di tempat terbabit perlu mempunyai kesedaran yang tinggi tentang pentingnya menjaga keselamatan diri semasa di tempat kerja terutama di tapak binaan.

Sehubungan ini kita amat bersetuju dengan kenyataan Pengerusi Institut Keselamatan dan Kesihatan Pekerjaan Malaysia Tan Sri Lee Lam Thye supaya semua Pemasu, kontraktor dan pekerja merekadigesa komited sepenuhnya terhadap kesedaran keselamatan dan kesihatan pekerjaan dan aspek keselamatan untuk mencegah kemalangan di tempat kerja daripada berlaku di tapak pembinaan.